

Studenti koji ispunjavanju uslove iz člana 31. Zakona o visokom obrazovanju dužni su uz upisni materijal dostaviti i zahtjev za oslobađanje obaveza plaćanja školarine.

IZVOD IZ ZAKONA O VISOKOM OBRAZOVANJU (Službene novine Kantona Sarajevo, broj 28/25)

Član 31.

(Školarine i druge naknade na javnim visokoškolskim ustanovama)

(6) Redovan samofinansirajući student prvog ciklusa studija, drugog ciklusa studija i integrisanog studija koji je prvi put upisan u tekuću studijsku godinu, a koji je položio sve ispite iz tekuće studijske godine i prema ostvarenoj prosječnoj ocjeni iz tekuće studijske godine spada u 20% najbolje rangiranih studenata na svom studijskom programu u toj godini studija, oslobađa se obaveza plaćanja školarine za nastavak studija.

(7) Rangiranje studenata i stava (6) ovog člana vrši se prema postignutoj prosječnoj ocjeni zadnjeg dana akademske godine, odnosno 30. septembra.

(8) U slučaju da je prilikom rangiranja studenata u skladu sa st. (6) i (7) ovog člana:

a) broj studenata na rang listi jednak ili manji od pet, troškova plaćanja školarine oslobađa se prvi student sa rang liste;

b) Broj studenata na rang listi jednak ili manji od pet, troškova plaćanja školarine oslobađaju se prva dva studenta sa rang liste;

c) ukoliko 20 % najbolje rangiranih studenata nije cijeli broj, broj studenata koji se oslobađaju troškova plaćanja školarine zaokružuje se na naredni cijeli broj;

d) ukoliko se na posljednjem mjestu rang liste sa istim prosjekom nalazi veći broj studenata, koji su ostvarili pravo na oslobađanje troškova plaćanja školarine, nakon rangiranja iz tač. a), b) i c) iz ovog stava, svi ti studenti se oslobađaju plaćanja troškova školarine.

(9) Nakon rangiranja studenata u skladu sa st. (6), (7) i (8) ovog člana student koji je oslobođen troškova plaćanja školarine stiče status redovnog studenta i taj status zadržava na način i pod uslovima i člana 3. tačka aaa) ovog zakona.